

հօրս առաջ դրուած էր մի աղքատիկ խօնչայ (քու-  
կուտեղ), որ ուրախ-ուրախ բացեց և դուրս բե-  
րեց նրա միջից մի նիհար ու փոքրիկ գառը, մի  
երկու սև ու չոր հացեր և մի ամանով էլ քացախ  
գինի: Հայրս ուրախ ու զուարթ կտրատեց իւր  
ձեռքով և տուեց իւր ընտանիքի բոլոր անդամ-  
ներին, որոնք երեսներին խաշակնքելով՝ սկսեցին  
ուտել, բացի ինձանից: Խոսովել էի ես և չէի կա-  
մենում մի բան ուտել, առարկելով հօրս ական-  
ջին, թէ «մեր տանու պատրաստած լաւ-լաւ բա-  
նեցից կտաս՝ կուտեմ, ապա թէ ոչ՝ այս սև չոր  
հացից ու մսից չեմ ուտի»: Հայրս ծուռ-ծուռ նա-  
յեց ինձ վրայ իւր սևորակ ու կրակոտ աչքերով  
և ականջս մի լաւ ոլորելով՝ դիտով նշան տը-  
ւեց, որ իսկոյն հեռանամ և գնամ մօրս մօտ և ես  
արտասուք կուլ տալով գնացի իմ մօրս մօտ...  
Ահա՛ զատկական այս արտակարգ սովորութիւնը  
և հասարակական այսպիսի հացկերոյթը մեզ տա-  
նում ու Առաքեալների ժամանակն է հասցնում,  
նրանց միաբանական ճաշկերոյթներն է յիշե-  
ցնում. երբ ամեն բան հասարակաց էր, երբ ա-  
մենքը միասին էին ուտում ու խմում՝ «ի բեկա-  
նել հացին ի սեղանոյ անտի»... Ուտիացոց աշ-  
խարհում, երբոր մէկը իւր սեփական ոյժերով  
անկարող է լինում տուն շինել, կամ իւր արտե-  
րը ցանել, կամ ցանած և հատունացած հացահա-  
հատիկները հնձել իւր ժամանակին, այսպիսի ան-  
օգնական գիւղացին իսկոյն դիմում է իւր գիւ-  
ղի համայնքի օգնութեան: Նա իւրաքանչիւր տա-  
նից մի-մի մարդ կանչում է «իմեալի»—հաւա-